



18. februar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqqutit:

UKA2021/23 (Uanisiortoqannginnissaanut) sammeneqarnerani Naalakkersuisut Inuusutissarsionermut-Aatsitassanullu ataatsimiitsitaliamiit apeqquteqaatit akivaat, Naalakkersuisut nalilersimallugu, siunnersuut akuerineqarnerasigut inatsillu atuutilernerasigut taarsiivigitittoqarnissaa pinaviangitsoq.

- 1. Naalakkersuisut immikkoortortaminni inatsisitigut nalilersuititsinikuunerlutik ilumut ernumanartoqarnerasigut, uranisiortoqannginnissaanik siunnersuut akuerineqarnerasigut suliffeqarfiit Namminersorlutik Oqartussanut eqqartuussivimmut tunniussisinaanerat?**
 - a) Taamaattoqarpat paaserusuppara Namminersorluik Oqartussani kina naliliisimanernit tunniussinersoq aammalu qanga tunniunneqarsimanersut.**
- 2. Naalakkersuisut avataaniit inatsisitigut naliliisitsinikuunerlutik, ernumanartoqarnerasigut, uranisiortoqannginnissaanik akuersineq suliffeqarfiit Namminersorlutik Oqartussanut eqqartuussivimmut tunniussisinaaneranik?**
 - a) Taamaattoqarpat paaserusuppara kina naliliisimanernik tunniussisimanersoq aammalu**
 - b) Qanga tunniunneqarsinertut.**

Sermitsiaq nr. 6/22 atuarneqarsinnaavoq Aatsitassanut naalakkersuisoqarfik aammalu Greenland Minerals danskit kammaradvokatianni ataatsimiissimasut. Ataatsimiissimanermut tunngasut uku perusuppakka:

- 3. Qanoq sivilutigitsumik ataatsimiittarsimappat?**
- 4. Naalakkersuisut qanoq sivilutigitsumik ilisimasimavaat?**
- 5. Ataatsiitarnert sumit tunngaveqarpat?**
- 6. Naalakkersuisut nalilerpaat – avataaniit inatsisitigut naliliisoqarsimappat ilanngullugu – eqqartuussivimmut tnniunneqarnissaaq ernumanartoqarsimaneranik?**
- 7. Naalakkersuisut Greenland Minerals danskit kammeradvokatianni ataatsimeeqatigisarnerat pillugu qanoq Inatsisartunut peqataatitsisimappat?**
- 8. Ataatsimiinnerit taamak ittunut Inatsisartut siunissami qanoq peqataatinneqassappat?**
- 9. Naalakkersuisut pineqartumut allanik paasissutissiisinaanerluni?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Aatsitassanut Naalakkersuisoq arlaleriarluni (soorlu UKA2021/23 eqqartorneqarnerani aammalu sammisaq suliarineqarnerani ataatsimiitsitaliamiit apeqquteqaatinut akisummini) eqqaanikuuaa, isumaqarani suliffeqarfiit aatsitassarsortut uranisiunnginnissamut (UKA2021/23) akuersinerup kingunerisaanik taarsiivigineqarnissamut pinnaatitaaffeqarnissaat.



Sermitsiaq nr.6/22 atuarneqarsinnaavoq Greenland Minerals aamma Aatsitassanut Naalakkersuisoqarfik danskit kammeradvokatianni ataatsimiittaqaattaarnerat maanna pisoq. Tamanna pillugu Aatsitassanut Naalakkersuisoq ima oqariartuuteqarpoq:

"Isertugaataangilaq tamatta eqqartuussiserisumik ilaatitaqaratta, tamanna eqqartuussivikkoortitsinermik kinguneqaratarsinnaammat."

Tamanna peqqutigalugu paasisaqarfigissallugu soqutiginarpara Naalakkersuisut inatsisilerinikkut nalilersuititsinikuunersut, suliffeqarfik Greenland Minerals-tut ittut uranisioqqsiunnaarneq kingunerisaanik taarsiivigineqaratarsinnaanermut pisinnaatitaaffeqarnersut. Taamatuttaarlu uannut paasissallugu soqutiginarpoq nalilersuititsisimanerit qanga pisimanersut kiminngaaniillu.

Apeqqutit ullut qulit suliffiusut iluanni akineqareersimanissaat kissaatigaara.